

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-2474-28/21

Datum: 02.08.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 100. stav (3) i (4), te člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-1807 od 05.04.2021. godine, u postupku javne nabavke pogonskog goriva za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

I

Usvaja se žalba Hifa petrol d.o.o. Sarajevo kao djelomično osnovana.

II

Poništava se odluka o izboru najpovoljnijeg ponuđača i dodjeli okvirnog sporazuma broj: 02-11-4-2474-11/21 od 14.07.2021. godine. U ponovljenom postupku ocjene ponuda, odlučeno je da je ponuda ponuđača Energopetrol d.d. Sarajevo neprihvatljiva, te se okvirni sporazum za LOT 5 – sukcesivna nabavka pogonskog goriva na lokaciji općine Vogošća i Ilijaš, dodjeljuje ponuđaču Hifa petrol d.o.o. Sarajevo za ponudenu cijenu od 164.359,29 KM bez PDV-a.

III

Ponuđač Hifa petrol d.o.o. Sarajevo dužan je da u roku od 5 (pet) dana od dana prijema ove Odluke dostavi dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

IV

Ova odluka stupa na snagu danom donošenja.

Obrazloženje

Na osnovu Odluke broj: 02-11-4-2474/21 od 11.05.2021. godine i Obavještenja o nabavci broj: 16475-1-2-29-3-47/21 od 12.05.2021. godine, proveden je otvoreni postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-2474/21 od 22.06.2021.godine, za aktivno učešće u postupku za LOT 5 - sukcesivna nabavka pogonskog goriva na lokaciji općine Vogošća i Ilijaš dostavljene su ponude ponuđača Energopetrol d.d. Sarajevo i Hifa petrol d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-2474-6/21 od 09.07.2021. godine.

Shodno rezultatima pregleda i ocjene ponuda i rang listi prihvatljivih ponuda prema kriteriju ekonomski najpovoljnija ponuda Komisija je ocjenila prihvatljivom ponudu ponuđača Energopetrol d.d. Sarajevo, i to za:

- ✓ LOT 5 – sukcesivna nabavka pogonskog goriva na lokaciji općine Vogošća i Ilijaš sa ukupnom cijenom ponude u iznosu od 158.590,40 KM bez PDV-a,

te je donesena Odluka o izboru najpovoljnijeg ponuđača i dodjeli okvirnog sporazuma broj: 02-11-4-2474-11/21 od 14.07.2021. godine kojom je okvirni sporazum za LOT 5 dodijeljen ponuđaču Energopetrol d.d. Sarajevo.

Dana 28.07.2021. godine zaprimljena je žalba ponuđača Hifa petrol d.o.o. Sarajevo na Odluku o izboru najpovoljnijeg ponuđača i dodjeli okvirnog sporazuma broj: 02-11-4-2474-11/21 od 14.07.2021. godine. Žalba je ocjenjena kao blagovremena, dopuštena i izjavljena od strane ovlaštene osobe.

U žalbi ponuđač navodi da:

- „Ponuđač Energopetrol d.d. Sarajevo nije popunio Obrazac za ponudu na način kako je to zahtjevano tenderskom dokumentacijom. Naime, navedeni ponuđač je u tački 7. Izjave ponuđača na mjestu gdje je trebalo slovima upisati datum do kada važi ponuda upisao rok važenja ponude 90 dana.“

- „Ponuđač Energopetrol d.d. Sarajevo nije postupio u skladu sa tačkom 13.3 tenderske dokumentacije pod b. koja propisuje:

a) Spisak izvršenih ugovora o isporučenim robama koje su predmet nabavke u posljednje 3 (tri) godine (2018-2020) ili od datuma registracije privrednog subjekta, ukoliko je registrovan poslije navedenog perioda, koji sadrži najmanje jedan ugovor čija vrijednost iznosi najmanje 50% vrijednosti LOTa na koji se ponuđač prijavljuje.

Uz spisak izvršenih ugovora ponuđač je dužan dostaviti minimalno jednu potvrdu koja je u vezi sa spisakom izvršenih ugovora, koju je izdala druga ugovorna strana, čija je minimalna vrijednost 50% procjenjene vrijednosti lota na koji se prijavljuje.

Potvrda o uspješno izvršenim ugovorima mora sadržavati sljedeće podatke: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navode o uredno izvršenim ugovorima.

Prema citiranoj tački tenderske dokumentacije obaveza ponuđača je bila da uz spisak izvršenih ugovora dostavi minimalno jednu potvrdu koja je u vezi sa spisakom izvršenih ugovora, koju je izdala druga ugovorna strana što ponuđač Energopetrol d.d. Sarajevo nije dostavio. Naime, ponuđač Energopetrol d.d. Sarajevo je u ponudi za konkretan lot dostavio spisak izvršenih ugovora, ali nije dostavio potvrdu kojom dokazuje uspješnu realizaciju ugovora.

- „Ponuđač Energopetrol d.d. Sarajevo nije postupio u skladu sa tačkom 13.3 tenderske dokumentacije pod b. koja propisuje:

a) Spisak svih benzinskih pumpi koje ponuđač ima na raspolaganju sa navedenom adresom/lokacijom i trajanjem radnog vremena istih; vrstama goriva koja se nude na istima (obavezno dostaviti spisak ovjeren potpisom i pečatom ponuđača);

Prema citiranoj tački tenderske dokumentacije obaveza ponuđača je bila da u ponudi dostavi spisak svih benzinskih pumpi koje ponuđač ima na raspolaganju sa navedenom adresom/lokacijom i trajanjem radnog vremena istih; vrstama goriva koja se nude na istim, što isti nije dostavio. Odnosno, ponuđač Energopetrol d.d. Sarajevo je u svojoj ponudi za lot dostavio izjavu o udaljenosti b/p za konkretan lot i radno vrijeme b/p. Također je u koverti dokaz o kvalifikaciji na strani 33. dostavio spisak b/p sa adresama i radnim vremenom, ali nisu navedene vrste goriva koje se nude na istim.“

Razmotrivši navode žalbe Uprava policije Ministarstva unutrašnjih poslova Kantona Sarajevo je utvrdila sljedeće:

Ponovnim uvidom u ponudu ponuđača Energopetrol d.d. Sarajevo utvrđeno je da ponuda za LOT 5 ne sadrži potvrdu o uspješnoj realizaciji u skladu sa tačkom 13.3 tenderske dokumentacije (član 49. Zakona). Ista je navedena u sadržaju ponude za LOT 5, ali je propušteno njeno prilaganje uz spisak ugovora, koji je uredno dostavljen.

Sve ostale navode Žalitelja Ugovorni organ smatra neosnovanim, manjim odstupanjem koji nisu od uticaja na sam tok postupka, te ni na koji način ne utiču na poštivanje i pravilnu primjenu pozitivnih pravnih propisa iz ove oblasti.

Naime, u Obrascu za ponudu - LOT 5 (Aneks II), na strani 9. svoje ponude, ponuđač Energopetrol d.d. Sarajevo je u tački 7. Izjave ponuđača naveo da ponuda važi (...) računajući od isteka roka za prijem ponuda, tj. do 20/09/2021, odnosno 90 (devedeset) dana.

S obzirom da je otvaranje ponuda održano dana 22.06.2021. godine, navedeni ponuđač je dao tačan datum i rok važenja ponuda, a sve u skladu sa tačkom 23. tenderske dokumentacije.

Dalje, u tački 13.3. tehnička i profesionalna sposobnost u postupku nabavke roba (član 49. Zakona) tenderske dokumentacije stoji da je u svrhu dokazivanja tehničke i profesionalne sposobnosti ponuđač dužan dostaviti pod b): Spisak svih benzinskih pumpi koje ponuđač ima na raspolaganju sa navedenom adresom/lokacijom i trajanjem radnog vremena istih; vrstama goriva koja se nude na istima (obavezno dostaviti spisak ovjeren potpisom i pečatom ponuđača)“.

Ponuđač Energopetrol d.d. Sarajevo je zajedničku dokumentaciju (dokazi o kvalifikaciji) dostavio u posebnoj kovrti. Na strani 33. ponude (dio dokazi o kvalifikaciji) je dostavljen spisak benzinskih pumpi sa adresama i radnim vremenom, ali nisu navedene vrste goriva koje se nude na istim.

Međutim, iz dostavljene dokumentacije za LOT 5 (OPC obrasci i priložene izjave) jasno je da benzinska pumpa Nova Cesta bb, Vogošća (EP Semizovac) najbliža Ugovornom organu za LOT 5, sa radnim vremenom 00/24 sata svih sedam dana u sedmici, ima vrste goriva koje su tražene tenderskom dokumentacijom.

Nakon što su razmotreni navodi žalbe ponuđača Hifa petrol d.o.o. Sarajevo, proveden postupak ponovnog pregleda i ocjene ponuda po žalbi i utvrđeno činjenično stanje, odlučeno je kao u dispozitivu ovog rješenja, a u skladu sa članom 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14).

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove odluke, a u skladu sa članom 99. i 100. stav 4. Zakona o javnim nabavkama BiH („Službeni glasnik BiH“ broj: 39/14).

Dostaviti:

1. Komisiji za sukcesivne nabavke
2. Ponuđačima x2
3. Odjeljenju za odnose s javnošću, radi objave na web stranici ovog organa
4. a/a



POLICIJSKI KOMESAR
Generalni inspektor policije

Nusret Selimović